

西  
江  
詩  
話

西江詩話 卷五

香坡裘君弘任遠輯

文天祥

正氣歌曰。天地有正氣。雜然賦流形。下則爲河嶽。上則爲日星。于人曰浩然。沛乎塞蒼溟。皇路當清燹。含和吐明廷。時窮節乃見。一一垂丹青。在齊大史簡。在晉董狐筆。在秦張良椎。在漢蘇武節。爲嚴將軍頭。爲嵇侍中血。爲張睢陽齒。爲顏常山舌。或爲遼東帽。清操厲冰雪。或爲出師表。鬼神哭壯烈。

或爲渡江楫。慷慨吞■。或爲擊賊笏。逆豎頭破  
裂。是氣所磅礴。凜冽萬古存。當其貫日月。生死何  
足論。地維賴以立。天柱賴以尊。三綱實繫命。道義  
爲之根。嗟予遘陽九。隸也實不力。楚囚纓其冠。傳  
車送窮北。鼎鑊甘如飴。求之不可得。陰房闔鬼火。  
春院閤天黑。牛驥同一皁。雞棲鳳凰食。一朝蒙霧  
露。分作溝中瘠。如此再寒暑。百沴自辟易。哀哉沮  
洳場。爲我安樂國。豈有他繆巧。陰陽不能賊。顧此  
耿耿在。仰視浮雲白。悠悠我心憂。蒼天曷有極。哲

人日已遠。典刑在夙昔。風簷展書讀。古道照顏色。  
此篇竟是孟子浩然章註脚。以詩解經。千古僅見。  
詩之鬱勃動轉。又不必言。真令人百復不釋。

張弘範命公爲書招世傑。公曰。吾不能扞父母。乃  
教人叛父母。可乎。固命之。遂書過零丁洋詩云。辛  
苦遭逢起一經。干戈落落四周星。山河破碎水漂  
絮。身世浮沉風打萍。惶恐灘頭說惶恐。零丁洋裡  
歎零丁。人生自古誰無死。留取丹心照汗青。弘範  
笑而置之。

過金陵云。草舍離宮轉夕暉。孤雲飄泊欲何依。山河風景原無異。城郭人民半已非。滿地蘆花和我老。舊家燕子傍誰飛。從今別卻江南日。化作啼鶯帶血歸。

過平原末云。亂臣賊子歸何所。茫茫烟草中原土。公視于今六百年。忠精赫赫雷行天。發吉州末云。首陽風流落南國。正氣未亡人未息。青原萬丈光赫赫。大江東去日夜白。

題雙廟沁園春云。爲子死孝。爲臣死忠。死又何妨。

自光岳氣分。士無全節。君臣義缺。誰負剛腸。罵賊  
睢陽。愛君許遠。留得聲名萬古香。後來者無二公  
之操。百鍊之剛。嗟哉人生。翕歟云亡。好烈烈轟轟  
做一場。使當時賣國甘心降魯。受人唾罵。安得流  
芳。古廟幽沈。遺容儼雅。枯木寒鴉。幾夕陽。郵亭下  
有奸雄。過此仔細思量。

謹按詩三百篇多驕臣怨婦。感遇抒懷之什。而  
聖人標之曰經。至與堯舜義文諸大聖之書同  
一篇目。後世詞人韻士。僅以爲玩物適情之具。

非不儷花鬪草抹月批風而壯夫鄙爲小伎嗟  
乎言志之道如此則其于人之志從可知也故  
唐一代以詩取士而末造詩流以忠節顯者落  
落晨星焉文山公詩字字從肺腑中洋溢而出  
何嘗立意何嘗不工此爲天地古今之元聲令  
宣聖可作必且目之爲經區區騷雅云乎哉  
又按古今來有文章者不必節義能節義者不  
皆文章愚前言詩文二道兼者甚難若文章節  
義其兼之則又更難于詩文也自文山疊山兩

先生出而文章節義聚于一身似覺兼之又  
不爲難矣稱西江者必曰文章節義之鄉其來固  
有自哉

公作文未嘗屬草下筆滔滔不竭流離中感悼悲  
憤一發于詩在京口有指南集在燕獄有集杜百  
首又有吟嘯集所居對文筆峯故號文山其初字  
宋瑞由今觀之公蓋不特宋人一代之瑞實千萬  
年斯文之瑞而臣道之光云

馬祖巖詩云秋風吹日上禪關路入松花第一灣。



只願四時烟霧少。滿城樓閣見青山。

過吳城山云。龍行人鬼外。神在地天間。彭蠡石弩  
出。洞庭商舶還。秋風黃鶴濶。春雨白鷗閒。雲際青  
如粟。河流接海山。青原寺云。空庭橫蟠螭。斷碣假  
龍蛇。活火叅禪筍。清泉透佛茶。晚鐘何處雨。春水  
滿城花。夜影燈前客。江西七祖家。過湖口云。江湖  
一都會。宇宙幾興亡。走馬蘆林外。買魚茆舍傍。南  
人撐快槳。北客坐危檣。江水交岷水。東流日夜長。  
賣魚灣云。風起千灣浪。潮生萬頃沙。春紅堆蟹子。

曉白結鹽花。故國何時訊。扁舟到處家。狼山青雨  
點。極目是天涯。翠玉樓云昏。鴉何處落。野渡少人  
行。黃葉聲在地。青山影入城。江湖行客夢。風雨故  
鄉情。試問南來信。梅花三兩英。諸詩字字清。綴真  
五言長城也。

海覺院云。闌黎鐘鼓訪團蒲。江色漫漫晝欲晡。一  
笛梅邊河滿子。千簑蘆外木頭奴。急風吹鴈還家  
未。新雨生濤到海無。本是白鷗隨浩蕩。野田飄泊  
不爲孤。登碧落堂云。碧落堂成燕鵲歡。登高聊復

此偷閒地居一郡樓臺上。人在半空烟雨間。脩葺  
已成新宇宙。感傷猶到舊江山。邇來又爲西風急。  
不覺憂時兩鬢班。高安縣云青山曲折水天平。不  
是南征是北征。舉世更無巡遠死。當年誰道甫申  
生。遙知嶺外相思處。不見灘頭惶恐聲。傳語故園  
猿鶴好。夢回江路月風清。

信國妹嫁同郡孫臬。信國兵出興國。臬入謀于內。  
對曰。吾兄破家殉國。君奚以妻子介懷。乃悉出簪  
珥佐軍需。未幾。臬被執。氏携兩子一女赴燕。零丁

孤苦中操持嚴肅故信國集杜詩有曰近聞韋氏  
妹零落依草木。深負鵲鴒詩。臨風欲慟哭。信國嘗  
有與妹書門人曼卿藏其手帖虞伯生跋云一代  
三百年間有此臣一家數十口內有此女不媿于  
天不忤于人可傳千萬世卓哉

楊文貞公跋云右信國文公集杜句二百首皆在  
燕獄所作每首有公自序其後鄧中齋謨督府忠  
義傳劉中齋謨公傳皆有資于此初公得死後吉  
水張弘毅自燕以公爪髮及遺文歸此詩亦在其

中鄉郡舊嘗刻公遺文兵後板廢余于京師遇此  
詩及督府忠義傳遂錄藏之

杜伯揚 蕭敬夫

俱信國客也信國有文山觀大水記末云坐亭上  
諧謔賦詩縱其體狀予曰風雨移三峽雷霆劈兩  
山伯揚曰雷霆真自地中出河漢莫從天上翻敬  
夫曰八風捲地翻雷穴萬甲從天驟雪驪

謝枋得

疊山先生被執北行作詩曰雪中松柏愈青青。扶

植綱常在此行。天下豈無龔勝潔。人間不獨伯夷。  
清義高。便覺生堪捨。禮重方知死甚輕。南八男兒。  
終不屈。皇天上帝眼分明。愚嘗謂先生此篇與文。  
山正氣歌如二曜。經天江河行地。卓然並垂于宇。  
宙間。與世界同其不朽。正不得僅以詩目之。

先生字君直。弋陽人。起家寶祐進士。平生無書不。  
讀。爲詩文高邁奇絕。汪洋演迤自成一家。學者多。  
師尊之。

題龜峯云。三十二峯峯最高。脚踏高處真人豪。近。

觀靈山一培嶮俯視彭蠡無波濤眼明始見滄海  
潤心閒卻憐塵世勞後百千年誰獨立萬古一覽  
皆秋毫

蚕婦吟云子規啼徹四更時起視蚕稠怕葉稀不  
信樓頭楊柳月玉人歌舞未曾歸

慶全菴桃花云尋得桃源好避秦桃紅又見一年  
春花飛莫遣隨流水怕有漁郎來問津

送子高歸延平云亂世讀書少前人教子難青燈  
長合席紅葉趲歸鞍梅自知春近松應耐歲寒樓

高新月好後夜與誰看

童潮

彭澤人咸淳進士官工部尚書有小姑山詩云長  
江萬里來一砥中流峙巨浸沒根深孤峯插漢起  
倒回三峽流獨據九江水真是海門關波濤險莫  
比

唐元齡

新建人寶祐進士有鬱林寺詩云一徑通深窈叢  
林獨蔚然神仙棲佛屋香火當僧田罕見催科吏



誰譚文字禪吳儂來拜朔僂指滿三千

袁 度

號希山樂安人開禧鄉貢不仕工詩曾子實稱其  
詩春容如褒衣博帶彼塗暈青紅者雖見而笑之  
而淵然好古之君子未有不端拱起敬者也

宗必經

字子文南昌人景定進士宋亡不仕元世祖詔求  
人才留夢炎程文海交薦謝疊山以下二十餘人  
必經與焉固辭迫脅去械獄三歲乃放還其在獄

詩有云睡曉方知前是夢落花難上舊來枝又云  
不覺授書冬再至我思黃霸欲銷魂論者哀其隱  
而欽其節焉

孺子亭云連天大厦莫容身小向湖邊一問津心  
事說知林下郭姓名誤入府中陳半篙綠水三間  
屋一榻清風百世人只有青青堤上柳至今猶是

漢時春

自來徐亭詩當推此首爲絕  
唱吾知後有作者不能軼矣

南浦云江到南關古渡頭旁分一曲入溪流垂楊  
夾道三千戶遶郭連檣數萬舟春水綠波芳草渡

秋風明月白蘋洲  
滔滔出舍紅塵派  
一棹中流萬頃秋

劉君賢

雩都人宋末隱居城西薦辟不就作詩云桃源何處可逃秦直爲雩山作主人可以知其志也

劉子虛

字君實靖安人以文學孝友稱宋  
山自號支離翁釋善權賦古風十二韻遺之云井以甘自竭象以齒故殘斧斤寇山林畢弋害孔鸞

經綸紱與世同憂患  
若驚智不如愚  
安劉子真穎脫麻衣陋儒冠平生五車書僅能濟  
饑寒興言屬魚鳥永結林嶺歡宅心萬物初微吟  
寄毫端披烟弄明月攬鬚鏡澄瀾上無王賦憂下  
有澗谷盤支離耽自沈志得氣自完政恐不免耳  
事定其蓋棺

羅天酉

字恭甫新昌人開慶進士以格非心去非人對策  
忤丁大全擯外歷官知懷集縣父歿作詩云三釜

爲親今莫及萬鍾于我復何加遂不出

蕭 巖

字則山新喻人紹定進士以太府丞奉祠益肆力  
文學碑銘序記得盤詰體善吟咏有大山集弟泰  
來字則陽先巖登第官左史有小山集

王 奕

謝疊山先生就執北行慷慨賦詩友人王奕和而  
送之音節激烈與謝作相彷彿詩曰皇天久矣眼  
垂青盼盼先生此一行遺表不隨諸葛死離騷長

伴。居。原。清。兩。生。無。補。秦。興。廢。一。出。仍。關。魯。重。輕。白。  
骨。青。山。如。得。所。何。須。兒。女。哭。清。明。奕。字。伯。敬。號。斗。  
山。玉。山。人。初。爲。邑。博。後。率。其。子。介。翁。隱。居。玉。瑯。峯。  
築。梅。巖。精。舍。日。吟。嘯。其。中。善。寫。梅。竹。工。詞。翰。人。得。  
其。手。筆。者。咸。珍。之。著。有。尊。魯。集。一。卷。

李 進

字。野。翁。崇。仁。人。淳。祐。進。士。宋。亡。隱。居。栗。門。種。瓜。植。  
菊。有。靖。節。風。虞。邵。菴。稱。其。詩。兼。簡。齋。放。翁。蒼。山。東。  
林。之。長。著。有。礪。谷。居。愧。稿。

劉應鳳

字克舉安福人文山被執應鳳遇王鼎翁對床賦  
詩云天○留○中○子○墳○孤○竹○誰○向○西○山○飯○伯○夷○應○鳳○咸○  
淳進士宋末隱居不出

蕭立

字斯立寧都人淳祐進士歷辰州判官歸隱蕭田  
自放于詩著有水崖集

進古

字時述貴溪人大觀進士官武選員外郎有詩文

三卷名鳴鶴集朝散郎宋昭序之

吳仲軒

進賢人宋末進士隱居教授元初程鉅夫疏薦不起以詩謝之曰抱疾經年久何期徵詔臨芸牕書已蠹竹徑葉尤深空返皇華使難忘鷗鳥心懷君雖感激衰鬢不勝簪

余芑舒

號息齋德興人宋末儒者潛心程朱之學暇則整衿端坐嘗語門人曰讀書須虛心熟讀其味無窮



及蚤了悟一刻有一刻受用其悟道詩云何人解  
管身中事今我纔知學有源養得心源身事畢春  
花秋月共忘言

章鑑

杭山云買得漁磯繫釣船魚龍吹浪駭鷗眠從來  
白石清泉地勝似青山小洞天

送道士歸得日觀云風月詩幾卷江湖屐一雙斷  
蛟懷劍石跨鶴叩禪窓土潤巖生雨林幽市隔江  
歸當訪仙隱相對酒盈缸

字公秉寧州人咸淳拜相以清謹稱晚季屏居山中與樵夫爭席見者不知其宰輔也

鑑築共春園東湖之傍竹石叢峙花木疎秀王義山見而歎美慨然相贈更餽名草助之其雅量如此

### 王義山

豐城人景定進士官江西儒學提舉詠甘露臺云掃除黃葉拂塵埃講座雖虛尚有臺歲晚喬松型典在烟波疊嶂畫圖開不知瑞露從天降應是慈

雲爲客來須信中邊甜似蜜吟詩未足報崔嵬

羅大經

景綸遊南中巖洞記云桂林石山恠偉東南所無  
退之謂山如碧玉簪子厚謂拔地峭起林立四野  
魯直謂平地蒼玉忽嶒峨近劉叔治云環城五里  
皆竒石疑是虛無海上山皆極其形容然此特言  
石山耳于暗洞現恠尤不可具道余與趙季仁遊  
列炬數百隨以鼓吹市人多從者入若深夜出乃  
白晝恍如隔宿異世季仁索余賦詩紀之畧曰瑰

竒恣搜討貝闕青瑤房方盛疑永巷俄敞如華堂  
玉橋巧橫溪瓊戶正當牕仙佛肖彷彿鐘鼓鏗擊  
撞鼉鼉左顧龜狺狺欲吠龐丹竈儼無恙芝田藹  
生香搏噬千恠聚絢爛五色光更無一塵浣但覺  
六月涼玲瓏穿數路屈曲通三湘神鬼妙剡刻乾  
坤真混茫入如深夜暗出乃皎日光隔世疑恍惚  
異境難揣量然終不能盡形容也

李仁嘗謂生平有三願一願識盡世間好人二願  
讀盡世間好書三願看盡世間好山水景綸曰盡

則安能但身到處莫放過耳

大經吉水人寶慶進士著鶴林玉露十六卷

唐子西詩山靜似太古日長如小年余家深山中  
每春夏之交蒼蘚盈階落花滿徑門無剝啄松影  
參差禽聲上下午睡初足旋汲泉拾枝煮苦茗啜  
之隨意讀易風左騷史記及陶杜詩韓蘇文數篇  
從容步山徑撫松竹與麝犢共偃息長林豐草間  
坐弄流泉漱齒濯足旣歸窓下則山妻稚子作筍  
簌供麥飯欣然一飽隨大小作數十字展法帖墨

蹟畫卷縱觀之興到吟小詩或草玉露一兩段再  
烹茗一杯出步溪邊邂逅園翁溪友問桑麻說  
杭稻量晴較雨探節數時劇談一餉歸而倚仗柴  
門則夕陽在山紫綠萬狀變幻頃刻恍可人目牛  
背笛聲兩兩來歸而月印前溪矣味子西此句可  
謂絕妙然此句妙矣識其妙者蓋少彼牽黃臂蒼  
馳獵于聲利之場者但見袞袞馬頭塵匆匆駒隙  
影耳烏知此句之妙哉人能真知此妙則東坡所  
謂無事此靜坐一日是兩日若活七十年便是百

四十所得不已多乎

出鶴林玉露後人多摘書屏  
几間以爲清玩亦若以此種

清福爲深可欣羨者然識其妙矣而享其妙者實  
少所謂人人盡道休官好林下何曾見一人名利  
糾纏仍然馬頭塵袞袞駒隙影匆匆耳聞有一二  
世情稍澹者又一時擺脫不開因循荏苒託言事  
會間之日對清詞徒深浩歎不皆重爲景綸所笑耶

## 甘泳

字泳之崇仁人工詩黃大山曰泳之之詩悟入之  
門在李賀用事均之出古書而如出異書用字均  
之出古韻而如出別韻出嶺襍言一首凡三千四  
百字隨事起義隨義練句古今大篇未或過之泳

性剛正不與時俯仰平生不娶如林和靖所作甚  
富鰲溪刊本止七百三十餘篇號東溪集

曾原一

字子實寧都人祖興宗號唯庵師事考亭以僞學  
之禁罷官歸築室箕箒谷四方從學者衆所爲詩  
文溫厚典則原一領鄉薦與從弟原卨同師廬陵  
楊伯子誠齋之子紹定庚寅避亂鍾陵從戴石屏諸賢  
結江湖吟社詩思日進

劉辰翁



須溪有春晴二絕云江柳長天草色齊新晴何物  
不芳菲無因化作千蝴蝶西蜀東吳欸欸歸新燕  
池塘綠雨肥初晴未暖日光微角巾猶帶花梢濕  
纔倚闌干見絮飛

字會孟廬陵人理宗朝除博士不就宋亡託方外  
以老著有須溪集百卷

寧州雷光霆隱居教授學士程鉅夫詹天遊皆其  
徒也故須溪挽詩有曰諸生已房魏舊業但河汾  
丁酉元夕作寶鼎現詞云紅妝春騎踏月花影干

旗穿市望不盡歌樓舞習香塵蓮步底簫聲斷約  
綵鸞歸去未怕金吾呵醉甚輦路喧闐且止聽得  
念奴歌起父老猶記宣和抱銅仙清淚如水還轉  
盼沙河多麗滉漾明光連邸第簾影凍散紅光成  
綺月浸蒲桃十里看往來神仙才子肯把菱花撲  
碎腸斷竹馬兒童空見說三千樂指等多時春不  
歸來到春時欲睡又說向燈前擁髻暗滴鮫珠墜  
便當日親見霓裳天上人間夢裡論者謂此詞黯  
澹淒迷有黍離麥秀之感

張毅甫既負信國骨歸塋後公子忽夢公怒云繩  
鋸髮斷明日起視果有繩束髮其英爽如此須溪  
紀其事贅于公畫像上曰閒居忽忽萬古咄咄天  
風慘然如動生髮如何尋約亦念束芻豈其英爽  
猶累形軀同時之人能不顙泚昔忌其生今妬其  
死

李洪

廬陵李氏兄弟五人皆長于詞學著有李氏花萼  
集五卷洪字子大漳子清泳子永詮子召澗子秀

俱有官閥宋時人見文獻通考

唐趙州李乂開元初官刑部尚書少名尚真與兄  
尚一尚貞俱以文章見稱號曰李氏花萼集是自  
唐以來李氏有兩花萼集矣以聲望言宋李之花  
萼不如唐李之花萼以兄弟人數言唐李之花萼  
不如宋李之花萼然唐李花萼之集詩歌俱全宋  
李花萼之集則專以詞曲此又其不同皆古今藝  
苑中一段故事也特爲拈出之

况志寧

宋時南昌人出處未詳新建縣志載志寧絕句三

首其一云上疏歸來事可歎嶺頭誰爲築星壇先

生不食炎劉祿自拾松花當晚餐梅仙壇二云風雨

池邊古木寒千年枸杞當晨餐巖前石壁誰扃鎖

歲歲秋風長蕙蘭天寶洞三云城陰零落豫章臺平

地晴沙捲雪來欲訪隣翁問塵跡小園荒徑長莓

苔豫章臺或曰志寧明朝人然玩詩中音調似非明

人家數其爲宋人無疑也但志載豫章臺亦名龍

沙臺宋元有之後圯而志寧塵跡荒徑云云似傷

臺之頽廢久矣則又疑是明朝人姑兩存之以俟再考

陶平塘

陶平塘進賢人仕于宋季後歸隱其詩出江西派而瀟灑過之有平遠樓集

王炎午

原名應梅字鼎翁別號梅邊宋敷文閣瀘溪先生諸孫也幼力學升太學上舍與丞相文公青山趙公遊宋亡不仕奉母至孝母歿廬墓三年朝夕饘

粥青山慰之以書曰確存孝忱尚守齋禁是可以  
敦薄俗是可以範後人然創鉅痛深形羸髮變非  
飯無以敵暑非味無以強餐大事未終一疾其可  
若使夫人之尚在忍見季子之如斯事死如事生  
愛身卽愛母願俯從于常制非苟徇于人言鼎翁  
復書曰重憫其形髮之變明示以古今之宜感泣  
不能自已徬徨莫知所爲暮年雞黍之歡又成昨  
夢終身羊棗之慟莫可名言末由置者餽粥之食  
所未盡者肥甘之謀抑此特居喪之末何足蒙勵

俗之褒。

出王炎午忠孝傳  
明李忠文時勉著

## 章甫

字冠之鄱陽人善詩夙負才譽後居吳下自號轉菴作易足堂韓無咎爲記其詩有易足居士自鳴

集十五卷

宋南渡後人

## 楊介如

字固卿豐城人開禧間遊諸邊塞畫策不售遂隱黃冠嘗主清江相堂觀一日諸文士集觀中唱酬介如蓬鬢垢衣坐其側句至朗吟曰酒量春吞海



詩肩夜簷山座皆驚服後入皂閣山有詩百餘篇  
號隱居集

繆 穆

字舜賓崇仁人咸淳中以賦舉第一博覽善談遊  
吏部李梅亭之門傳其詩學所爲樂府古律絕句  
皆工吳文正公序其集

宋自遜

字謙父別號壺山居士本金華人宋末徙居南昌  
父子兄弟皆能詩而謙父尤著方虛谷亟稱其殘

年日易晚夾雪雨難消之句詞學更工所著詩餘  
曰山樵笛譜

題雪堂

賀新  
郎

云喚起東坡老問雪堂幾番興廢斜

陽衰草一月有錢三十塊何苦抽身不早又底用  
北門摘漈儋耳蠻烟添老色和陶詩翻被淵明惱  
到底是忘言好周郎英發人間少謾依然烏鵲南  
飛山高月小歲月堂堂留不住此世何時是了算  
不滿英雄一笑我有豐淮千斗酒把新愁舊恨都  
傾倒三弄笛楚天曉

自述

驀山溪

云壺山居士未老心先懶愛學道人家

辦竹几蒲團茗椀青山可買小結屋三間開一徑  
俯清溪脩竹栽教滿客來便請隨分家常飯若肯  
少流連更薄酒三杯兩盞吟詩度曲風月任招呼  
身外事不關心自有天公管

鄧剡

鄧光薦先生號中齋廬陵人宋亡以義行著其所  
賦鷓鴣詩曰行不得也哥哥。瘦妻弱子羸特馱。天  
長地潤多網羅。南音漸少北語多。肉飛不起可奈

何行不得也。哥哥又有文丞相像贊曰：目煌煌兮  
曉星寒，氣英英兮晴雷殷。山頭碎柱兮壁完，血化  
碧兮心丹。嗚呼孰謂斯人不在世間。出輟耕錄  
光薦登景定進士文信國公客也。著有督府忠義  
傳。

劉澄

字定伯，泰和人。端士邦美從子也。身堅壯，能寒暑。  
鬚髮如漆，善談名理。爲詩曠達，類晉宋間人。意有  
所至，輒于詩發之。嘲詠賞笑，興出物外，使人諷念。

不忘飲酒可一二斗酒酣浩歌響振林木或投冠  
袒裼旁若無人或鼻息雷鳴徑卧座上與信國友  
善一日過信國極論時事抑揚不少挫詰且無疾  
而逝信國哭三日不止

汪大有

字元量號水雲浮梁人咸淳進士官兵部侍郎工  
詩清麗可喜臨安旣失其詩曰西塞山邊日落處  
北關門外雨來天南人墮淚北人笑臣甫低頭拜  
杜鵑又曰錢塘江上雨初乾風入端門陣陣酸萬

馬亂嘶臨警蹕。三宮灑淚濕鈴鸞。童兒賸遣追徐  
福。癘鬼須當滅賀蘭。若說和親能活國。嬋娟應遣  
嫁呼韓。題王導像曰。秦淮浪白。蔣山青。西望神州  
草木腥。江左夷吾。甘半壁。只緣無淚灑新亭。水雲  
後從謝后北遷。老宮人能詩者。皆其指教。或謂羸  
國公喜賦詩。亦水雲教之所著。詩有水雲集。

鄧德遇

號清湖。新建人。淳祐進士。知靖江軍。元兵入廣興。  
守將馬暨。戍將黃文政。叅議劉子薦等。力謀戰守。

西江詩話

卷五  
三十三

妙貫堂

城破題詩袍裙曰宋室忠臣。鄧氏孝子。不願偷生。  
自甘溺死。屈平公子。是吾伴侶。滔滔汨羅。是吾處  
所。遂自沉於清流江。

從子曰蓮景濂校

西江詩話 卷六

香坡裴君弘任遠輯

吳澄

草廬先生自幼志學旣長用力尤深卓然爲性理  
大儒六經皆有傳註于風雅一道似乎旨趣不同  
乃其詩適美鏗鏘悠然而有餘韻置之虞楊范揭  
間難爲伯仲真異人也先生小孤山詩云三十年  
前東下時開篷曾賦小孤詩風濤如許相衝激天  
柱迄今無改移長願江流平似鏡坐看舟客去如



馳悠悠此日登臨意付與潯陽循吏知

閤皂山云漢吳仙跡兩峯齊欲拾瑤花路恐迷寶  
殿青紅隨地涌林巒蒼翠接天低九重香案分雲  
篆八景瑤函記玉題仙鶴翔空清似水步虛聲在  
朶梅西

題張尹書巢云食息不離書令尹非蠹魚騰身出  
巢外編簡不如吾其二云醯雞瓮裡天露蟬殼外  
身此巢何處着六合一微塵

別趙子昂序畧云文本乎氣人與天地之氣通氣

有升降而文隨之如老者不可復少必有豪傑之士出於其間養異學到足以變化其氣其文乃不與世而俱今韓歐三曾二蘇七子者不爲氣所變化者也宋遷而南氣日耗而科舉又重壞之文日卑陋不絲麻不穀粟而縑毡是衣蜺蛉是食倡優百態山海百恠畢陳迭見其歸欲爲一世所好而已夫七子之爲文也爲一世之人所不爲亦一世之人所不好志乎古遺乎今爲文而欲一世之人好吾悲其文爲文而使一世之人不好吾悲其人

吳興趙子昂不變化于氣者也南歸有日詩以識  
別畸人坐書癖殊嗜流俗笑解弦三十秋已矣鍾  
期少近賦遠遊篇上下四方小識君維揚驛玉色  
天下表伏梅千載事疑讞一夕了詩文正始上白  
晝雲龍矯樂經久淪亡黍管介毫杪瑟笙十二譜  
苦志諧古調蝌蚪史籀來篆隸楷行草字體成七  
家落筆一如掃草木蟲魚影自植自飛跳曲藝天  
與巧誰寶窺與突肉食肉眼多按劍橫道寶鶴書  
微爲卽瑚璉愜清廟班資何足計萬世日厲杲蹇

蹇駑十駕天下君與操

晦菴先生像贊云理義審微蠶絲牛毛心胷恢廓  
海濶天高豪傑之才聖賢之學景星慶雲泰山喬  
岳按草廬此贊能繪出紫陽氣象其尊之也至矣  
孰謂公之學右陸而左朱也哉

臨川野老自贊云身形瘦削春林獨鶴眼睛閃爍  
秋霄一鶚遠絕塵滓大同寥廓自鳴自和自歌自  
樂

李伯時九歌圖神妙不可言狀毛郡侯出觀公作

題解書其後復櫟括三閭九篇歌辭成詩一篇自云與歌意雖微不同而明原之心一也千載下有

契原之心者尚味予之言哉

以下詩

李家畫手入神

品楚賢流風清凜凜誰遣巫陽叫帝閭爲招江上  
歸來魂音紛紛音紛紛枉高辰遠聽不聞扶桑初  
瞰海橫雲二妃淚灑重華墳司命播物泥在鈞洪  
纖厚薄無齊勻公無渡公無渡衝風起螭龍怒夜  
猿啾啾天欲雨天欲雨迷歸路歲晏山中採蘭杜  
靈脩顧顧復去莫怨瑤臺神女妒坎坎鼓進芳醕

聯作蠻巫小腰舞千年往事今如新摩娑舊畫空  
愴神騰身輕舉一回首楚天萬里江湖春

虞集

虞伯生楊仲弘兩先生同在京日楊每言伯生不  
能作詩虞載酒請問作詩之法楊酒旣酣盡爲傾  
倒虞遂超悟其理繼有詩送袁伯長桐扈駕上都  
以所作介他人質諸楊楊曰此非伯生不能也或  
曰先生嘗謂伯生不能詩何以有此曰伯生學問  
高余曾授以作詩法餘莫能及又以詣趙魏公詩

中有山連閣道晨留輦野散周廬夜屬櫟之句公  
曰美則美矣若改山爲天野爲星尤美虞深服之  
故國朝詩稱虞趙楊范揭焉范卽德機揭卽曼碩  
也嘗有問于虞曰仲弘詩如何曰仲弘詩如百戰  
健兒德機詩如何曰德機詩如唐臨晉帖曼碩詩  
如何曰曼碩詩如美女簪花先生詩如何曰集乃  
漢廷老吏蓋先生未免自負公論以爲然

出輟  
耕錄

樽酒論詩卽能超悟其理于以見先生才之敏旣  
精詩法又能曲折請政于高明于以見先生心之

彈琴遺古散載酒棹輕舫遂向圖中見誰能世外  
逃乘槎幾月至一泛九秋濤

朝廻卽事云宮樹春陰合霓旌拂曙來天光臨閣  
道雲氣轉蓬萊晝漏沉沉鼓晨尊灑灑盃香霏簾  
底霧樂隱殿前雷祥瑞儀曹奏珍淳尚食催舞廷  
分鷺序效獻過龍媒融雪微生草輕風不動埃老  
人南極至王母上方廻玉色何多喜金華得重陪  
裁詩賀朝雨西閣待門開

御溝次韻云御溝雪融三月初鳬鷺鴻鴈總來居



蒲桃水綠可爲酒楊柳條青堪貫魚  
逶迤天河起箕尾滉漾雲海浮青徐  
舟前花落傍飛燕隄上風來濕舞裾  
翠輦時留金駉裏錦波不着玉芙蓉  
臨流宋玉偏能賦莫待東都客問予

春雲二絕云春雲冉冉度宮城樓雪  
初融水半生行過御溝還久立舉頭  
枝上有啼鶯雨裏輕塵道半乾朝迴  
處處借花看墻東半樹垂楊柳飛絮  
時來近馬鞍

聽雨二絕云屏風圍暖鬢參參絳蠟  
搖光照暮酣

京國多年情盡改忽聽春雨憶江南何處他年寄  
此生山中江上總關情無端繞屋長松樹盡挹風  
聲作雨聲

庚午廷試次韻二絕云待漏宮門聽鑰開袖中進  
卷總賢才奏名殿裏千花合傳勅階前好雨來千  
花覆檻柳垂絲畫刻傳呼淑景移聖主自觀新進  
策侍臣簪筆立多時

卻菴在翰苑時晏散散學士家歌兒順時秀者唱  
今樂府其折桂令起句云博山銅細裊香風一句

而兩韻名曰短柱極不易作邵菴愛其新奇席上  
偶談蜀漢事因命紙筆亦賦一曲曰鸞輿三顧茅  
廬漢祚難扶日暮桑榆深渡南瀘長驅西蜀力拒  
東吳美乎周瑜妙術悲夫關某云殂天數盈虛造  
物乘除問汝何如早賦歸歟蓋兩字一韻比之一  
句兩韻者爲尤難先生學問該博雖一時娛戲亦  
過人遠矣中州之韻入聲似平又可作去聲所以  
蜀術等字皆與魚虞相近

出輟  
耕錄

挽文信國詩云徒把金戈挽落暉南冠無柰北風

吹子房本爲韓仇出諸葛安知漢祚移雲暗鼎湖  
龍去遠月明華表鶴歸遲何須更上新亭飲大不  
如前淚灑時

公爲宋丞相允文五世孫父汲遷崇仁遂爲崇仁  
人文宗朝官奎章閣學士追封仁壽郡公謚文靖  
著有道園集

道士桂心淵撫州人居紫極宮邵菴禮重之初宮  
寮有晏臘會心淵一遇飲啖無算或乘酒罵坐人  
不能堪乃各自爲會心淵幻在各席溷撓衆始異

之俄拱手謝衆跨一虎去後棲隱廬山邵菴贈詩  
曰深入廬山裏年年不見春風高曾跨虎月落更  
聽猿酒熟邀皆去丹成笑不言雲屏第九疊相與  
浴晨暾

開元間張九齡張■李白李華王維鄭虔孟浩然  
雪後出藍田關遊龍門寺鄭虔圖之伯生題浩然  
像有云風雪空堂破帽溫七人圖裏一人存

公賀皇后正旦牋有曰帝業中興五色鍊補天之  
石女功內治七襄成報日之章騰瑤冊之穠華衍

金支之奕葉茂迎蒼曆益介洪禧不特使事清切而對仗更字字工緻真匪爰所思也

楊載

宗陽宮翫月云老君臺上涼如水坐看冰輪轉二  
更大地山河微有影九天風露寂無聲蛟龍並起  
承金榜鸞鳳雙飛載玉笙不信弱流三萬里此身  
今夕到蓬瀛擬去京師云囊衣橐載道傍車人事  
匆匆歲欲徂風雨五更雞亂叫江湖千里鴈相呼  
蕪菁散漫根猶美桑柘蕭條葉正枯卻上高丘重

回首五雲繚繞帝王都  
貢袁諸公脩史云  
諂編國史有程期  
正是諸郎倬直時  
虎士守門宮窈窕  
雞人傳箭漏遲遲  
窓間夜雨銷銀燭  
城上春雲壓綵旗  
才大各稱天下士  
書成當繼古人爲  
讀三詩知百戰  
健兒之喻自是確評

又小孤山云  
日落霞明錦浪翻  
崖傾石峭白雲閒  
乾坤上下推孤柱  
吳蜀東南壯此關  
神女夜移風動地  
仙舟曉渡月漫山  
回瞻絕頂登臨處  
空翠溟濛杳靄間

仲弘世居玉山大年族孫也登至治辛酉進士官翰林編脩

范 梈

元代文章復古德機之力爲多尤長于詩世稱虞楊范揭分憲福建憫其俗淫巧紋繡局多良家女爲歌以述其弊上聞樊遂革

節婦王氏吟云妾年四三二始識月團圓十二學女工刺繡如鴛鸞十九嫁夫家事姑施衿鞶夫僭良家兒世籍爲王官雖聯朱紫貴不習綺與紈過



庭執詩禮開口若驚湍風儀在一時爭作玉人看  
天地忽降毒摧折青琅玕回首四十春景光若流  
丸貞心守松栢芳性軼芝蘭落月簾幃曙西風機  
杼寒沉思往昔事淚下紅闌干豪客至茅屋舉家  
竄林巒入房衛病姑身犯白刃攢相向義憐釋視  
死色無難親知爲歎息保社爲辛酸欲與上州府  
爲妾旌門闌妾實無所願所願在所安婦人往從  
人阿母涕洟瀾送行遺之語敬順無違歡匹偶固  
有時寧知憂患端辛苦蹈物變豈羨身獨完殷勤

謝舊故聞者摧肺肝

萬竹亭云誰能買山種萬竹  
幾年請老住巴蜀  
結亭更在竹中間  
四面雲谿寫山麓  
風敲最覺夜眠清  
雨洗膳延秋望綠  
日吟不限三千字  
日飲定須過百斛  
隴西仙翁持斧客  
散馬涼城行新菊  
爲言令弟隱滄江  
如此風流天下獨  
乃家正在蠶茨野  
束束琅玕繞茅屋  
方知白眼待時人  
箕踞科頭自爲俗  
是邦子雲劇憊雅  
閉門草元食漢祿  
多緣未識此君心  
往事微瑕傷白玉  
使君自是廊廟具  
方

言言 十二  
駕前脩詎爲辱半生抱負勁直節日暮天寒照空  
谷始我瞻望望不及終我歎嗟嗟不足乞官倘或  
從西遊向子亭邊祝黃鵠

畫馬歌云錢君畫人勝畫馬安得名驄妙天下青  
雲隱約見龍文有意軒昂駛華夏圉官山立頤而  
髯朱衣黑帶高帽尖問渠掌握詎有此牽控寧知  
人汝嫌君不見才士受束縛往往因之縱寥廓  
桑落洲云桑落洲前秋興孤白雲遠見近還無傳  
聞酒吏今年罷美釀家家得縱沽

德機一字亨父清江人晚家新喻百丈峯下

揭傒斯

良安峽云良安峽裏子規啼峭壁蒼蒼北斗低雲  
氣倒連山影合石稜斜闕浪聲齊南風盡日迎歸  
棹落日空江夢故棲一室十人分數郡百年幾處  
候晨雞

廬山云香鑪峯色紫生烟一入京華路杳然雲碓  
秋閒春藥水雨犁春卧種芝田書憑海鶴來時寄  
劍自潭蛟去後懸忽報歸期驚倦客獨淹微祿負

中年

李官人琵琶引云茫茫青塚春風裡歲歲春風吹  
不起傳得琵琶馬上聲古今只有王與李李氏昔  
在至元中十九辭家來入宮一見世皇稱藝絕珠  
歌翠舞忽如空君王豈爲紅顏惜自是他人彈不  
得玉觴未舉樂未停一曲便覺千金直廣寒殿裏  
月流輝太液池頭花發時舊曲半存猶解語新聲  
兩變總相宜三十六年猶一日長得君王賜顏色  
形容漸改病相尋獨把琵琶空歎息興聖宮中愛

更深承恩始得遂歸心時時尚被宮中召強理琵琶弦上音琵琶轉調聲轉澁堂上慈親還佇立回看舊賜滿床頭落花飛絮春風急

曼碩少遊湖湘一日泊舟江渚夜近二鼓月明如晝忽中流一櫂有素妝女子容儀清雅斂衽起曰妾商婦也與君有夙緣因談論世外恍惚事逮旦戀戀不忍去曰君大富貴人也宜自重乃留詩爲別云盤塘江上是奴家郎若閒時來喫茶黃土築墻茆蓋屋庭前一樹紫荆花明日阻風上岸問其

地卽盤塘鎮行數步一水仙祠垣皆黃土中庭紫  
荆芬然登殿見所設像宛如夜間女子心甚異之  
後官翰林學士封豫章郡公謚文安率如其言曼  
碩豐城人

周應極

字南翁鄱陽人弱冠邃經史獻皇元頌擢翰林待  
制英宗踐祚以舊臣名見勞問呼學士不名廷臣  
羨其榮遇以詩咏之應極有宿李陵臺詩云曠野  
平蕪入壯懷征鞍小駐李陵臺關河萬里秋風晚

霜月一天鴻鴈來持節蘇卿真壯士開邊漢武亦  
奇才千年懷古無窮意且向郵亭酌酒盃

應極嘗出爲池州同知值虞邵菴使節過池盤桓  
竟夕邵菴以詩謝之云使過池陽聞上日好懷浩  
蕩爲君開江干維楫車馬集亭上持盃風雨來通  
夜魚龍聽語竟明年鴛鴦憶朝回九華秋色翠可  
食爲問謫仙安在哉

程文海

字鉅夫號雪樓南城人元世祖時官學士贈楚國



公謚文憲

題許仲仁詩卷云殘雪詞林退食時小牕開卷鬢  
如絲音傳正始誰同調氣逼元和稍自持文字不  
隨前輩盡風流卻許後人知霜清日冷梅花瘦獨  
對爐熏看欲癡

白雲滿地種蒼木青草平湖開白蓮

環溪樓

張翥

天子臨軒授鉞頻東南無地不紅巾鐵衣遠道三  
軍老白骨中原萬鬼新義士精靈虹貫日仙家談

笑海揚塵都將兩眼淒涼淚哭盡平生幾故人此  
至正辛丑間張蛻菴承旨翦在都下寄浙省周玉  
坡參政伯琦詩也夫翰苑詞臣而寓言如此則感  
時之意從可知矣出輟耕錄

翦字仲舉安仁人官翰林學士封潞國公以詩文  
名世伯琦鄱陽人

余濟

字心淵息齋子也元初累辟不仕築小室讀書偶  
賦云白首黃塵送駒隙那知靜處迥然孤幽人世

念如秋葉萬樹西風一點無其胸次可見矣濟與同里徐方谷王葵初善每觸景賡和怡然自得著有谷雲遺稿

吳定翁

字仲谷臨川人能詩草廬評其有盛唐風隱居教授屢徵不起常曰士無求用于世惟求無愧于世年九十卒

定翁學詩于甘泳之得其音節草廬曼碩皆亟推之程雪樓嘗貽書曰臨川士友及門者踵相接也

獨相望足下耿耿如玉人而不可得見是定翁不  
特詩高其峻節更自難及

張純仁

弋陽人元至治進士官浙江中書省郎中有重建  
葛溪驛詩云一葉飄然下弋陽殘霞昏日樹蒼蒼  
葛溪漫漶干將劍卻是猿聲斷客腸

蕭志仁

字無惡廬陵人博通經史工詩有詩集四卷

元時人

鄭蘭玉

浮梁人元初官國史院編脩長于樂府

齊大同

字周卿樂平人皇慶初頒朔安南國王設宴明霞閣酒酣索詩援筆立成其國主臣敬服後官州同知

胡山立

安福人善詩尤工五言時號胡五言至正間歷仕兵部尚書

姚雲

字聖瑞高安人元初官承直郎秩滿家居求文者  
無虛日尤工詞調風韻不減秦淮海一時菰苑推  
重有江村遺稿行世

倪道原

字太初安仁人元明經工詩晚遊都下卒朝臣重  
其丰格歛貲塋之題曰江南吟士之墓

王觀

過蘆谿詩云蘆蕭谿水碧粼粼洞鎖烟霞別有春  
亂石只聞多誤馬桃花不是解迷人

觀元時上饒人

王竹逸

贛縣人自幼與邑中蕭極初爲同社友皆力學工詩元季之亂二人間關險阻未嘗少離凡憂愉感遇悉見于詩名聯輝集

蕭士贊

字粹可寧都人斯立仲子篤學能詩與吳文正公友善稱其觀書如精明法吏情僞立判搜抉微旨毫髮畢露著有詩評二十餘篇

胡諤

字文友餘干人性跌宕長于詩與番陽黎廷瑞吳  
存齊名大德中官袁州教授

黎廷瑞

登法雲寺詩云偶與幽人期頗愜滄洲趣嵐影倒  
虛碧天光澹晴素烟橫雙鷺起木落孤帆度憑欄  
足清眺隱几得元悟顧此半日閒媿彼經年住更  
遲雪中來臨風看瓊樹

何中



字太虛樂安人少穎拔爲文師班馬詩類陶韋程  
鉅夫元明善皆契重之嘗同鉅夫入都居兩月值  
天大雪竟不別而歸著有知非堂集支頤錄

宜黃鄒次陳字悅道宋末名儒遠近從學者衆及  
卒中以詩哀之云門生定展王通學舊友誰成郭  
泰碑

芙蓉山詩云茗茗青芙蓉峻秀琢寒玉危流千丈  
飛鏗銅石相觸幽閣魚龍宮荒寒霧雨蓄淒神不  
可留前登散遐矚參差雜花動香氣泛幽谷日照

丹霞開萬峯洗晴綠

知非堂夜坐云前池荷葉深微涼坐來爽人歸一  
犬吠月上百蟲響余非洽隱淪隙地成偃仰林端  
斗柄斜撫心獨悽愴

傅若金

新喻傅若金字與礪少孤力學受業范德機門邵  
菴見其詩大稱賞之妻孫蕙蘭亦能詩歸五月而  
卒若金哀戚之情形千篇咏輟耕錄載其悼亡感  
獨百日久入室諸什酸繡不減安仁今錄之悼亡曰

驚飈吹羅幙。明月照堦墀。春草忽不芳。秋蘭亦同死。斯人蘊淑德。夙昔明詩禮。靈質奄獨化。孤魂將安止。迢迢湘西山。湛湛江中水。水深有時極。山高有時已。憂思何能齊。日月從此始。一皇天平四時。白日一何遽。勤儉畢婚姻。新人忽復故。衾裳斂遺襲。棺槨無完具。送葬出北門。徘徊怛歸路。玉顏不可恃。况乃統與素。纍纍花下魂。鬱鬱塋西樹。他人亮同此。胡爲獨哀慕。二新婚誓偕老。恩義永且深。旦暮爲夫婦。哀戚奄相尋。涼月燭西樓。悲風鳴北

字伯稽金谿人至元中爲南城縣錄事嚴以率吏  
仁以愛民閩邑畏懷焉政成而去黃河清贈詩曰  
吾聞錄事歸父老皆泣下馬前拜不起錄事亦揮  
灑脫靴掛市門跣足騎瘦馬行囊甘空乏豈顧遺  
錢者郡中盛僚采但覺顏有赭于時賢府推敬愛  
不相捨獨持一壺酒遠送出于潯江鷗喜回眼山  
色如見畫始知在官忙暫得脫身暇循良世不泯  
富貴有衰謝他日盱上人相傳作佳話願言堅此  
志佇看名黃霸

李宗明

虞邵菴李宗明詩跋云予在鄉與豐城諸詩人遊  
憲使陳公遠矣若揭養直若趙用信若蔡黻胡璉  
揭傒斯鐵中之錚錚者來京師又見李宗明詩胡  
蔡趙揭伯仲間也豈非猶有龍泉太阿之餘靈鍾  
而爲人發而爲詩與何其詩之超超哉邵菴之言  
若此夫擬人必于其倫邵菴以用信等與揭文安  
公並稱則此諸公其人其詩必有可觀今則不惟  
諸公之詩不復可得卽宗明養直用信與黻與璉

其名字皆不見于志乘竟莫識爲誰何之人以是知吾鄉之多詩人而不幸湮沒而不傳者不少也惜哉

胡元璚

唐寶曆間金谿嘗設場冶金官收其課冶金而課不及抵吏罪吏惟二女憤之躍入冶死事聞釋吏罪冶場亦廢元大德三年濟南吳璿爲金谿丞立廟祀之題曰孝女祠屬邑人胡元璚作記元璚并作迎享送神詞三章遺鄉人歌以祀其詞曰招淑

靈兮山之阿駕雲駢兮兩英娥攜手同行兮肯予  
過憇新祠兮樂也婆娑一山肴兮野簌清泉爲酒  
兮明月爲燭石鐘自鳴兮鷓鴣自曲風景當年兮  
太平草木二靈之來兮鼓淵淵靈之去兮駕翩翩  
爐罷焰息兮斯萬年我民子子孫孫兮力畋爾田  
三祠卽舊冶場地石鐘山在左  
鷓鴣山在右次章所云以此  
李漢用

新昌人元時不求聞達以山水自娛長詞賦嘗有  
酌江月云東風二月社寒漱燕子歸來時候巷陌

人家三兩處寂寞閉門晴晝紅樓依然玉京信杳  
往事沉思久春林木葉新巢隨意圓就

陳謨

字一德泰和人元末避亂興國與王竹逸蕭極初  
爲詩社友學者稱海桑先生

談觀

字自廣南昌人性孝友工詩至順間授國史編脩  
後乞休元季避亂萬載之龍河著隱詩以自適

黃圭 羅志仁



圭字唐佐志仁字壽可俱清江人宋末同領鄉薦  
元初有詩名劉辰翁嘗稱之曰黃西月五言羅秋  
壺小詞他人莫及

劉中齋文文山俱宋季大魁也中齋作相身享富  
貴三十年仕元爲尚書文山纔登第丁父憂仕途  
坎凜乙亥糾集義旅播遷患難中倚以爲重雖名  
爲相黃扉之貴萬鍾之奉無有也秋壺詩云嚙雪  
蘇郎受苦辛庾公作老北朝臣當年龍首黃扉者  
猶是衡門一樣人語意深婉可爲刺骨之論嗟呼

士當伏處賢不肖無以異也及其一出而薰蕕不同性舜蹠不同途者往往而是又豈獨變革之會爲然也哉

後中齋見詩將物色羅織之志仁亟遁歸獲免

### 熊師賢

字君佐豐城人吳草廬志其墓畧曰其先以姨之子爲子實丞相京文穆公從孫卽君佐祖禮君佐幼敏悟長馳俊譽一試貢闈而科舉廢讀書娛親扁其堂曰寓樂與老梅疎竹叢桂幽蘭細蒲惟石俱尤嗜古學琴後不復操曰但識琴中趣耳惟工

詩不輟一時吟人咸相推許弟師周同居三十年  
無間言暇日弟若子賡酬自爲師友前太學進士  
徐懋初狀亦云辭翰清粹端健爲詩冲澹蕭散不  
求工而自理致由志銘之言觀之則君佐者其元  
世之隱君子而能詩者歟予故摘錄以補通志之  
闕

鄧學詩

字崇雅泰和人性至孝元季負母避亂遇寇斲幾  
死一渠魁後至知其儒者哀之口占一詩命和詩

曰頭戴血淋漓負母沿街走遇我慈悲人與汝一  
杯酒我亦有家兒雪色同冰藕亦欲如汝賢未知  
天從否學詩應口和曰鐵馬從西來滿城人驚走  
我母年七十兩足如醉酒白刃加我身一命懸絲  
藕感公恩如天未知能報否寇喜釋之

周德清

高安人工樂府精通音律著中原音韻虞邵菴序  
之

雷思齊

字齊賢臨川人出家種湖觀授元教講師嘗註莊  
子吳草廬贈詩曰鈎探十翼象外意羅絡三倉篇  
外文道德五千聯貫密逍遙第一寸銖分此邦何  
有王元澤後世詎無楊子雲吾取二書還註我何  
當商畧重云云思齊著有空山漫稿

魯修

字志敏樂平人少豪宕不屑科舉業動以武侯爲  
師東遊吳北走齊趙詩名震一時嘗策平章三旦  
八不能成功言若桴應或訊以百韻詩目爲奇士

署慈湖山長不就振衣歸舊廬與邑士董文友羅  
宗伊詹伯振羅宏遠程彥初方克睿輩爲楚東詩  
會摘古今事命題且刻所作于埏埴瘞之石門山  
下至正末明太祖具名致書幣聘之不出

劉隆瑞

字立賢安福人倜儻樂施予至元間以義行聞于  
鄉全活甚衆晚歲暢意觴詠于勢利泊如也鄉子  
弟因其宅多種梅稱曰梅國先生

周昂霄

字羽之崇仁人至元間以詩名吳草廬序其棲筠集

伯顏子中

本西域人祖父官江西因家進賢有學行五舉至正鄉薦歷吏部侍郎洪武間詔徵不出具牲酒作七哀詩祭其祖父師友又書短歌別故人熊釗北向再拜飲酖死

過烏山舖云溪流霜後淺野燒曉來明古路無人跡空山有驛名衾寒知夜永柝響覺風生苦被浮

名悞栖栖復此行

十華觀云十載風塵忽白頭  
春來猶自強追遊  
浮素碧雲房靜日落青嵐  
石徑幽海內何人扶社稷  
天涯有客卧林丘  
此心只似長江水  
終古悠悠向北流

北山云平川楊柳翠依違  
暖日遊絲掛綠扉  
啼鳥不知江國變  
多情到處勸人歸  
此詩殊有黍離麥秀之感

裴夢霆



字德祥清江人至正進士築室南郊額曰原南草堂與郡人彭聲之楊仲弘講學賦詩時稱三鳳

危素

字太樸金谿人未冠通五經受業吳草廬門甚器重之至正中與同縣曾子白朱夏並以文鳴官禮部尚書翰林學士修國史元亡報恩寺井僧大梓挽出明太祖召侍禁林後謫和州子白名堅歸明爲禮部侍郎夏屢徵不就元末死于土寇著有

鳴陽集

素有梅峯詩云諫疏當時奏漢宮至今名跡徧諸  
峯經臺半掩三花樹丹白橫遮五粒松近水衣裳  
清露濕並厓芝朮白雲封因君更憶非非子杖履  
登臨得屢從

思賢亭云學士前身衡嶽君景星華月鳳凰羣門  
生只有山人在猶構亭高想暮雲

### 饒介

字介之臨川人號華蓋山樵亦曰醉翁元末官翰  
林應奉出僉江浙張士誠入吳慕其名自往造請

介不能脫遂家采蓮涇上日以觴咏爲事姚廣孝  
曰介之爲人倜儻豪放一時俊流如陳庶子姜羽  
儀宋仲溫高季廸陳惟寅輩皆與交善書似懷素  
詩似李白氣燄光芒灼灼逼人志大才疏而無所  
成爲可惜也

介之嘗以醉樵歌試吳中諸名士得張孟簡第一  
予黃金三斤高季廸次之得白金三斤餘各有差  
其豪舉如此

幾叢晚菊今耆舊一樹寒梅老弟兄

句

哀亡國篇云黑頭江令承恩早白髮蕭娘情未了

周志遠

吉水人以危素薦授太子說書一日得母書飄然  
南歸嘗自題像云十年塵土變形容惟有丹心日  
月同北海子卿羝不乳未應已在畫圖中

程以臨

字至可寧州人至元間除將仕郎不就博學淹貫  
尤長于詩嘗選漢魏唐宋諸詩爲一編曰刪後正  
音著有飄丸小集

羅文節

字中正廬陵人由胄監生補雲南行省掾史時叅  
政喜童忤時宰左遷欲建奇功推文節提控文節  
掃除弊政聲震遠方邊徼來歸喜童大喜文節亦  
喜作詩云邊臣不識金童像使者新降鐵甲郎金  
童像蠻人與貨貝並行者

葉蘭

字楚庭鄱陽人洪武初周伯琦應召蘭贈以詩云  
覓得神鰲休便休不須重上釣魚舟回頭便向溪

山望明月蘆花別是秋蓋諷之也後伯琦以其名  
薦蘭曰吾世爲元臣義不可仕赴水死

徐明善

號芳谷鄱陽人至元間官江西儒學提舉嘗奉使  
安南世子陳日烜席間索詩卽口占云乘傳入南  
中雲章照海紅天邊龍虎氣徼外馬牛風日月八  
荒燭車書萬里同丹青入王會茅土祚無窮日烜  
遂納款奉貢

高驤

字馴良餘干人延祐進士不樂仕進日與弟讓寄興詩酒有詩文集虞伯生黃晉卿序之

張埴

吉水人少孤飯牛刈薪常手一編不輟有詩云夜靜莫吟崎嶇句恐驚明月墮波寒守帥趙蔡聞之撫几歎曰天下士也力薦不就

黃異

字民同星子人商伯裔也至元進士元季棄官歸隱有節菴詩集三十卷